



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCCCXVI. ad annum MCCCCXXIII.

**Parisiis, 1644**

Prima Sessio Post Missam Papae, Sev Tertia In Ordine Sessionvm.

**urn:nbn:de:hbz:466:1-15653**

vnio ecclesie Dei ad extirpationem presentis schismatis. Et dum legebat illam clausulam in prescripta schedula, Spondeo, promitto, voueo, & iuro Deo, flexit genua versus altare, ponendo manus ad pectus, & dixit hæc verba: Et ita promitto obseruare. Quo facto, imperator surgens de sua cathedra, regratiatus fuit eidem domino nostro nomine Concilii & suo, flectendo genua, deponendo coronam, & osculando pedes eiusdem domini nostri. Et etiam dominus patriarcha fuit regratiatus eidem nomine Concilii. Post hæc cantores inceperunt cantare: Te Deum laudamus, &c. Et procurator Concilii, Ioannes de Scribanis, petiit nomine Concilii confici publicum instrumentum a protonotariis & notariis ac scribis sedis apostolicae.

*Et ex post de mandato domini nostri fuit super præmissa schedula oblationis, una bulla confecta.*

PRIMA SESSIO POST MISSAM PAPÆ,  
SEV TERTIA IN ORDINE SESSIONVM.

\* Martii 26.

**D**IE \* Lunæ vigesima quinta mensis Martii supradiçti fuit sessio generalis, in qua præsidebat dominus Petrus cardinalis Cameracensis, tituli sancti Chrysogoni presbyter cardinalis, qui dixit officium Missæ, in qua rex Romanorum in habitu imperiali fuit cum suis nobilibus, prout decuit regem Romanum: cui regi assistebat dominus Franciscus cardinalis Florentinus, diaconus cardinalis tituli sanctorum Cosmæ & Damiani. In qua quidem sessione cantata Missa de Domina nostra de annuntiatione, factum fuit officium litaniarum cum introitu, Exaudi nos Domine, quoniam benigna, &c. & collecta pro pace.

Subsequenter dominus cardinalis Florentinus iuxta deliberationem sanctæ Synodi pronuntiauit certos articulos, siue constitutiones, seruandos ad perpetuam rei memoriam, quorum tenores sequuntur.

*Primitus tamen oratione lecta, quæ fuit sumpta de libro pontificali. Tenores vero dictæ orationis & constitutionum lectarum sequuntur, & sunt tales: Ecce sanctissimi sacerdotes, præmissis Deo precibus, fraternitatem vestram cum pia exhortatione conuenio, & per diuinum nomen obtestor, ut ea quæ a nobis de Deo & sacris ordinibus vel sanctis moribus nobis fuerint dicta, cum omni pie-*



ANNO  
CHRISTE  
1415.

tate suscipiatis, & cum summa reuerentia perficere intendatis. Quod si forsan aliquis vestrum aliter quam dicta fuerint, senserit, sine aliquo scrupulo contentionis in vestrorum omnium copulatione, & ipsa de quibus dubitauerit, conferenda reducat, qualiter (Deo auxiliante) aut doceri possit, aut doceat. Deinde vos obtestatione obsecro, vt nullus nostrum in iudicando aut personam accipiat, aut quomodolibet fauore vel munere pulsatus, a iusto iudicio scienter auertatur aut discedat, sed cum tota pietate quidquid cœtui nostro se iudicandum intulerit, pertractare curet; vt nec discordans contentio ad subuersionem iustitiæ inter nos locum inueniat, nec in perquirenda æquitate vigor nostri ordinis, vel sollicitudo tepescat.

Qua exhortatione facta, idem dominus cardinalis Florentinus, iuxta deliberationem Concilii & Synodi prædictarum, pronuntiauit constitutiones quæ sequuntur, videlicet has.

Ad honorem, laudem & gloriam sanctissimæ Trinitatis, Patris & Filii & Spiritus sancti, pacemque in terris hominibus bonæ voluntatis diuinitus promissam, in Dei ecclesia consequendam, hæc sancta Synodus, sacrum generale Concilium Constantiense nuncupata, pro reformatione & vnione dictæ ecclesiæ in capite & in membris fienda, in Spiritu sancto legitime congregata, decernit, declarat, diffinit & ordinat, vt sequitur.

Et primo, quod ipsa Synodus fuit, & est rite & iuste conuocata ad hunc locum ciuitatis Constantiensis, & similiter recte & rite & iuste initiata & celebrata.

Item quod per recessum domini nostri papæ de hoc loco Constantiensi, veletiam per recessum aliorum prælatorum, seu aliorum quorumcumque, non est dissolutum hoc sacrum Concilium, sed remanet in sua integritate & auctoritate, etiam si quæ ordinationes factæ essent in contrarium, vel in futurum fierent.

Item quod istud sacrum Concilium non debet dissolui, neque dissoluitur vsque ad extirpationem præsentis schismatis, & quousque ecclesia sit reformata in fide & moribus, & capite, & membris.

Item quod ipsum sacrum Concilium non transferatur ad alium locum, nisi ex causâ rationabili, & de consilio huius Concilii deliberanda & concludenda.

Item quod prælati, & alii qui debent interesse huic Concilio, non recedant de hoc loco ante finitum Conci-



lium, nisi ex causa rationabili, examinanda per deputatos, seu deputandos ab hoc sacro Concilio. Qua causa examinata & approbata, possunt recedere cum licentia huius vel illorum, qui habet vel habent auctoritatem: & tunc recedens teneatur dimittere potestatem suam aliis remanentibus, sub poenis iuris, & aliis per hoc sacrum Concilium indicendis, & in contrarium facientes exequendis.

Super his autem articulis lectis & approbatis per cardinales & Concilium, magister Henricus de Piro, promotor & procurator Concilii, nomine totius Concilii & imperatoris petiit instrumentum.

#### SESSIO IV.

in ordine.

**D**IE Sabbati trigesima & penultima mensis Martii supradicti, fuit sessio generalis in ecclesia cathedrali Constantiensi praedicta; & celebrauit Missam de Spiritu sancto dominus patriarcha *\* mane ante prandium, in qua fuerunt ducenti patres, &c. Et fuit ibidem peractum officium de Spiritu sancto, cuius officii Missam celebrauit dominus patriarcha Antiochenus. In qua sessione fuit Romanorum rex in habitu & insigniis ad regem Romanorum spectantibus; & cardinalis Florentinus pronuntiauit articulos & constitutiones sequentes: *bitu & cum insigniis ad regem Romanorum spectantibus. Nec non reuerendi patres domini Iordanus de Vrsinis, Angelus Laudensis, Antonius de \* Salancho, Antonius Aquileiensis, Amadeus Salutarum, Ludonicus de Flisco, Guilielmus sancti Marci, Alamannus Pisanus, Franciscus Florentinus cardinalis. Officio vero Missae facta, legebantur litaniae cum introitu, Exaudi nos Domine. Quibus factis, statim dominus cardinalis Florentinus legebat quasdam constitutiones seruandas per Concilium, quarum tenores sunt inserti inferius. Quibus lectis & approbatis per generalem Synodum, siue Concilium, Henricus de Piro procurator & syndicus nationis Germanicae, petiit sibi fieri nomine dictae nationis a nobis notariis Concilii, & eorum quolibet, ipsius Concilii nomine, unum vel plura, publicum seu publica, instrumentum seu instrumenta. Sic similiter procuratores & syndici omnium nationum, regis Romanorum, uniuersitatum studiorum, & ambasiatorum, praesentibus ibidem illustribus princi-**

\* Calancho